

Toletana Canonatus super prætensa Remissoria.

Stantibus &c.

Dubium = *An sit danda Remissoria.*

Rev. Pater. **P**ostquàm Reuerendissimum Capitulum Ecclesiæ Toletanæ per tres Sententias conformes condemnatum fuerit ad restitutionem omnium, & singulorum fructuum Canonatus, & Præbendæ, de quibus per Sedem Apostolicam prouisus fuerat D. Ioseph Fernandez Iubera Inquisitor Sanctæ Inquisitionis Regni Murtiæ, & dicta Iudicata fuissent canonizata per Signaturam Iustitiæ loco Signaturæ Gratiæ, mediante Rescripto = *S. P.* = expeditæ fuerunt Litteræ Executoriales, cum consueta Censurarum comminatione, cùmque Reuerendissimum Capitulum illis non obtemperasset, non solum in tradenda possessione D. Principali, tamquàm qualificato ad formam Statuti dictæ Ecclesiæ, sed mediante infamatoria protestatione, quam in actu possessionis publicare fecit in Choro Cathedralis Ecclesiæ per suum Secretarium, vt plenius super Dubio declaratoriæ, quod in Rota hodierna proponitur, sed etiàm facta à dicto Capitulo interpellatione, vt fructus Canonatus, iuxta formam dictarum Litterarum Executorialium, & Sententiarum Procuratori Principalis consignaret, Reuerendissimum Capitulum respondit, *quòd iuxta Statuta, & Constitutiones dictæ Sanctæ Ecclesiæ* in Sacra Rota producenda non debebantur Principali fructus, ex quo residentiam non fecit in scamno Patientiæ, vt ex *Summario alterius Dubij Num. 2 litt. KKKKK.*

Dominus verò Agens Reuerendissimi Capituli Toletani residens in Romana Curia prò hac Causa, loco producendi Statuta, & Constitutiones, quæ Reuerendissimum Capitulum habere passus fuit prò facienda residentia in scamno Patientiæ, qui aliud non machinatur, quàm hanc Causam æternare, ac nouis, nouisque dispendijs gravare Principalem, dedit Articulos, super quibus obtinuit subscribi Dubium præinsertum, quod cùm in hodierna Rota proponatur, prò denegatione Remissoriæ rescribendum speramus.

Et quidem ex validissimis rationibus, primò quia cùm Decanus, & Capitulum Ecclesiæ Toletanæ in responsione data Litteris Executorialibus fassi fuerunt, quod prò facienda residentia in scamno Patientiæ habebant Statuta, & Constitutiones Ecclesiæ, vtrique eo ipso, quod Pars aduersa facere potest probationem per Scripturas exhibendo in Actis dd. Statuta, & Constitutiones Ecclesiæ, prout De-

canus, & Capitulum dicta Statuta, & Constitutiones in hoc Supremo Auditorio vt supra producturas facti sunt, vtique est deneganda Remissoria, quia vbi probatio fieri potest per Scripturas, non debet admitti probatio per Testes, & venit hoc casu deneganda Remissoria, vt probat *Rot. coram Bichio decif. 45. num. 1.*, & *coram Priolo decif. 1. num. 4.*, & in *Rec. decif. 111. num. 10. part. 6.*, & dixit *Rota in Meleuitana Successionis super Articulis 10. Iunij 1701. S. Quod enim coram Reuerendissimo Molines*, & in *Monasterien Vicaria super Remissoria 18. Martij 1707. S. Non minus coram bot. mem. Omanna*.

At quoniam Reuerendissimus Agens agnouit, quod vigore dictorum Statutorum, seu Constitutionum non posset retardare fructuum restitutionem fauore Principalis illi debitorum, tam ex dispositione Iuris, quam ex forma Statuti Ecclesie Toletane confirmati per Sedem Apostolicam, cuius obseruantiam omnes Canonici iurant in primo ingressu, ideo ad æternandam Causam assumere prætendit onus probandi per Testes, quod istu oculi probare potest per Scripturas, ita ut est deneganda Remissoria, quæ in hoc casu videtur peti per calumniam ad retardandum Causæ exitum cum summo, & grauissimo Principalis dispendio.

Secundò. Est deneganda Remissoria, quia versamur in Iudicio priuilegiato, & priuilegiatissimo, nam sumus in casu, quo Reuerendissimum Capitulum fuit iam condemnatum per tria Iudicata ad restitutionem omnium, & singulorum fructuum dicti Canoniciatus, ita ut Principalis hodiè instat pro declaratoria ob non partitionem Litteris Executorialibus, in quocumque autem Iudicio priuilegiato, & executiuo non conceditur Remissoria, nisi detur sumus materia, quæ fuit articulata, vt probant *Ridolfinus in Praxi part. 1. cap. 12. num. 128.*, *Rota decif. 298. num. 3. coram Serafin.*, & in *Recent. decif. 286. num. 12. part. 6.*, & *coram Coccin. decif. 122. num. 3.*, & proinde eo ipso, quod ex parte Domini Agentis Reuerendissimi Capituli Toletani nullus datus fuit sumus materiae articulatae, nec vlla minima probatio, quæ aliquem ex Articulis concernat, vtique in his terminis videtur omnino deneganda Remissoria.

Indubitanter quia etiam examinando singulos Articulos, illi videntur totaliter irrelevantes, aut veritatem non continentes, nam in primo articulatur, quod petentes admitti ad possessionem Canoniciatus dictæ Ecclesie debent super puritate sui sanguinis facere suis expensis concludentes probationes puritatis coram Canonico Commissario deputato à Capitulo, vt ex Articulis exaduerso dandis, in quodam Article duo continentur contra euidentem facti veritatem, quorum primum est, quod scilicet Capitulum probare præcedit, quod Petens admitti, iuxta formam Statuti, tenetur facere concludentes probationes puritatis sui sanguinis coram Canonico deputato à Capitulo, & nihilominus hoc est falsum, & contra litteram Sta-

Statuti confirmati per Sedem Apostolicam, in quo Summus Pontifex dat facultatem Canonico Commissario deputato à Capitulo faciendi probationes absque vlllo interuentu, aut citatione nouitèr Prouisi, vt ex alio *Summario Num. 1. litt. G. & seqq.*, & benè aduertit *Rota in Toletana Canonatus impressa in parte prima Recent. decis. 167. num. 32.* ibi = *Secundò quia cura, modusque capiendæ informationis spectat ad solum Capitulum, à quo deputatur Commissarius, qui absente, & ignorante Prouiso recipit probationes, quas, & quamdiù sibi videtur, nec Prouiso licet inducere aliquos Testes*, & liquet etià ex Processu facto in hac Causa per Commissarium Capituli, qui examinauit quotquot Testes voluerit, compulsaui Scripturas sibi beneuissas, & Processum ad sui libitum compilauit, & proindè est falsum id, quod articulatur, quod Prouisi debent facere concludentes probationes coràm Canonico Commissario, cùm veritas sit patentissima, quod nouitèr Prouisus, non solum coràm Commissario nullam facit, imò facere prohibetur quamcumque puritatis probationem, sed Commissarius ad sui libitum Testes examinat, & facit diligentias sibi benè visas, absque eo quod Prouisus in facienda probatione aliquo modo se possit intromittere.

*Secunda falsitas materiæ articulatæ in dicto articulo est, quod nouitèr Prouisus facere debeat concludentes probationes suæ puritatis, & nihilominus statutum id non mandat, sed Prouisus cum habeat prò se puritatis presumptionem tenetur Capitulum ex Processu facto à suo Canonico Commissario probare plenè, & concludentèr quod nouitèr Prouisus descendat à Progenie Hebræorum, vel Sacracenorum, vel Hæreticorum, & eo ipso, quod Capitulum non probat infectionem plena, & concludenti probatione, tunc Prouisus, seu nouitèr admittendus censetur qualificatus ad formam Statuti, & hæc fuit semper constans huius supremi Auditorij Sententia, vt liquet ex *decis. 274. coram Mantica*, & plenissimè examinato Statuto Toletano, *Rota in decis. 167. à num. 31. ad fin. decis. 186. à num. 4. ad 9.*, & *decis. 196. per totam par. 1. Recent.*, & firman nostræ Decisiones nempe illa *Reuerendissimi Decani S. Neque poterat* & illa *coram bon. mem. Ansaldo S. Absque eo*, & alia *coram Reuerendissimo Ponente S. Quin ad offuscandam*.*

Idque adeò verum est, vt cum Capitulum in hoc Supremo Auditorio coram Card. Lancellotto petiisset remissoriam ad effectum probandi per Testes contrariam intelligentiam dicti Statuti, nempe quod ex Processu constare debeat de puritate sanguinis Prouisi, fuit per quas vices denegata remissoria ad probandum id, quod hodiè articulatur, vt liquet ex *decis. 196.*, & *decis. 212. par. 1. Recent.* vndè, d super hac Capituli pretensione fuit antiquitus denegata remissoria, multò magis denegari debet de præsentì præsertim post rem iudicatam fauore Principalis.

Secundò articulatur, quod nouitè Prouisus pendente Informatione non possit admitti ad plenariam possessionem, & residentiam in Choro, & fructus percipere, nisi fecerit residentiam in scamno Patientiæ.

Et enim in eo quod spectat ad primam partem, quod nullus potest admitti ad plenariam possessionem Canonatus, nisi fecerit residentiam in scamno patientiæ est litteraliter contra Statutum dictæ Ecclesiæ confirmatum à Sede Apostolica, & iuratum per Canonicos, in quo cauetur, quod si ex Processu facto per Canonicum informantem constat de qualitate Prouisi statim sit admittendus ad Canonatus possessionem *Summario super Dubio declaratoria Numero primo*, In reliquis verò dictum articulum admittimus, nam verum est, quod ille Prouisus, qui velit lucrari fructus, ac distributiones sui Canonatus, & Præbendæ à die, quo præsentat litteras suæ prouisionis, & donec, & quousque fiant probationes per Canonicum Commissarium oportet, vt resideat in Scamno patientiæ, ita ut ille, qui non resideat in Scamno patientiæ non potest pretendere fructus à die, quo præsentauit litteras suæ prouisionis, & donec, & quousque fiant probationes, pro quo articulo non est concedenda remissoria, tum quia illum habemus pro probato, tum quia illius probatio esset irreleuans, quia D. Principalis non præsentauit fructus suæ Præbendæ à die 12. Septembris 1712., quo præsentauit litteras suæ prouisionis vsque ad diem 2. Ianuarij 1713. quo fuerunt in Capitulo visæ, & examinatæ probationes factæ per Canonicum Commissarium, ex quo in dicto Scamno patientiæ non resedit, sed solum prætendit fructus, & distributiones sui Canonatus à die 2. Ianuarij 1713., quo debebat admitti per Capitulum ad possessionem Canonatus, & iniuste non fuit admissus, hoc enim casu, tam ex dispositione Iuris, quam ex speciali prouidentia Statuti debet haberi pro Residente in Ecclesia, & pro præsentante huiusmodi Canonici, vt probati in mea facti super Dubio declaratoria, prout à die denegatæ possessionis hoc Sac. Tribunal Capitulum Aduersarium condemnauit ad fructuum restitutionem, non autem à die exhibitionis litterarum Apostolicarum:

Tertiò articulatur, quod pro assumenda, & facienda dicta residentia in Banco patientiæ ad effectum lucrandi, & percipiendi fructus à die comparitionis coram Capitulo, vsque ad obtentam plenariam possessionem nouitè prouisus non indiget aliqua permissione, seu licentia Capituli, sed potest ad sui libitum accedere ad residentiam in d. Banco patientiæ.

Enim quoad hunc articulum pariter est deneganda remissoria, nam quidquid sit, an requiratur licentia Capituli, & assignatio stalli faciendi à Capitulo, prout necessarium esse credimus, & practitari vidimus in Capitulo Pacen. Canonatus dicimus, quod nos volumus haberi pro probato dicto articulo ex eadem causa, & ratione, quod

quod Principalis non prætendit fructus dd. Canonicatus, & Præbende à die 12. Septembris, qua præsentauit litteras sue prouisionis vsque ad diem 2. Ianuarij 1713., quo fuerunt visæ, & examinatæ probationes factæ à Canonico Commissario per Reuerendissimum Capitulum dictæ S. Ecclesiæ, & proindè cum dicta probatio esset inutilis, & irreleuans, ac non conducant ad intentum, neque percutiat casum controuersiæ est deneganda remissoria.

Quartò articulatur, quod scilicèt residentia in Banco patientiæ fieri debeat ab omnibus, qui petierunt admitti tam in casu, quo nulla inueniatur difficultas super illius administratione, quam quoad illos, in quibus fuerit necessaria aliqua discussio, aut lis super dicta puritate, & propria qualificatione, itaut durante controuersia, & lite semper debet residere in scamno patientiæ, si velit lucrari fructus, & distributiones pro toto tempore, quo lis durauit.

Et enim ista consuetudo est improbabilis, & aduersaretur Statuto dictæ S. Ecclesiæ, & contra dispositionem Iuris communis, nam cum Rmum Ediscopum Toletanum, iuxta formam sui Statuti, cuius omnimodam obseruantiam Canonici iurant in eorum ingressu, & iurant etiam de non petendo absolutionem à relaxatione dicti Statuti; vult, & mandat, quod si ex Processu formato à Canonico informante apparet de qualitate Prouisi tunc decernit, vt à dicta die nouitèr prouisus habeatur pro Residente, & pro præsentè horis Canonicis, vtque omnes fructus lucretur perindè ac si resideret, & personalitèr interesset *Summario super Dubio Declaratoriæ num. i. Litt. I.*, vtique aduersus d. Statutum confirmatum auctoritate Apostolica, & per Canonicos iuratum nulla induci potest consuetudo, nèc Statutum illum obligat ad residendum in scamno patientiæ durante lite iniusta super prætenso puritate Prouisi: impeditus enim ex facto iniusto Capituli ad capiendam sui Canonicatus possessionem, tam ex Iuris dispositione, quàm ex Statuto Capituli habetur pro Residente, & interessente horis Canonicis, licèt non resideat, nequè intersit horis Canonicis, cum sibi debeat imputare Reuerendissimum Capitulum, si contra iustitiam impediuit tradere plenariam possessionem Canonico, quotiès ex Processu apparebat de illius qualitate ad formam Statuti, prout in casu uostro, vt liquet ex Decisionibus in tribus instantijs publicatis, & proindè aduersus d. Statutum remissoria concedi non possit dñx *Rota coram Coccini. decis. 2150. num. 3., & num. 9., & 19.*

Et non solum dicta asserta consuetudo esset contra Ius, & contra literalem Statuti dispositionem, sed esset iniqua, & irrationabilis post probatam à Canonico Commissario qualitatem à Statuto requisitam, nam cogeretur Prouisus sedere durante lite in prætenso Banco Patientiæ, & se subijcere derisionibus, & improprijs Canonico- rum, & Ministrorum Capituli, & totius Populi cum maiori læsione honoris dicti Prouisi, si pendente lite super prætenso impuritate cogere-
tur,

tur, Prouisum residere in dicto scamno Poenitentiae, nunquam autem datur remissoria ad effectum probandi consuetudinem contra dispositionem Statuti, praesertim quoties omnes, & singuli Canonici in primo ingressu, non solum iurant obseruantiam dicti Statuti, sed etiam iurant non impetrare relaxationem dicti Iuramenti, & impetrata non vitur, prout in dicto Statuto cauetur dicto *Summario num. 1. litt. D.* quocirca si Statutum disponit, ut eo ipso, siue statim ac ex Processu confiterit de qualitate Prouisi, licet illi Capitulum non tradiderit Canonicatus possessionem, quod ille haberi debeat pro presente, & residente, ac fructus lucrari perinde ac si resideret, & horis Canonicis interesset, *Summario super dubio Declaratorie num. 1. litt. I.* indè sequitur, ut non potuerit Capitulum introducere consuetudinem, iuxta quam contra formam Statuti ille non habeatur pro presente, & residente, nisi in opprobrium Personae qualificatae, faciat residentiam in praetento scamno patientiae.

Quinto articulatur, quod dicta consuetudo, & obseruantia sit publica, & omnibus nota, prout notum est, & patens omnibus scamnum praedictum patientiae, nam hic articulus nihil conducit ad Causam, & pro probato habemus, cum certum sit, quod ille, qui velit lucrari fructus à die praesentationis litterarum Apostolicarum, & per totum tempus, quo sunt probationes, & videantur à Capitulo, oportet, ut sedeat in scamno patientiae.

Sextum pariter articulum pro probato habemus, in eo enim articulatur, quod Canonicus, qui sedit in dicto scamno patientiae post captam possessionem sui Canonicatus consequitur fructus mensae Capitularis toto tempore, quo resedit in dicto scamno, quem pro probato haberi volumus, cum ad causam non conducatur, cum Principalis non praetendat, neque fructus mensae Capitularis, neque vestiarium à die praesentationis litterarum, & per totum tempus, quo Commissarius fecit Processum, & usquequo Capitulum vidit, & examinavit dictum Processum, qui fuit examinatus die secunda Ianuarii 1713. neque ad illos fuisset condemnatum Reuerendissimum Capitulum sed praetendit fructus, & distributiones à dicta die secunda Ianuarii 1713., qua debebat admitti ad possessionem Canonicatus, & non fuit iniuste admissus, & denegata eidem admissio, quo casu, tam ex Iuris dispositione, quam ex forma Statuti debet haberi pro presente, & residente.

Septimus articulus ad causam non conducit, nam in eo articulatur, quod Canonici postquam admissi fuerunt ad plenariam possessionem Canonicatus debeant per tres menses primo anno residere in dicto scamno patientiae, alias habentur pro absentibus quo ad fructus vestiarum, qui distribuuntur inter Residentes.

Etenim nunc non disputantur fructus futuri, quia Principalis non adhuc obtinuit legitime, & iuxta formam decisionum, & sententiarum Rotalium plenariam sui Canonicatus possessionem, ut probauit in

in mea Facti super Declaratoria, cum coeteroqu岸, quatenus essent verè articulata, adhuc D. Principalis, tamquam Inquisitor Regni Murtiæ actualis in Supremo Tribunali S. Inquisitionis Hispaniæ in omnibus habetur pro præsente, & interessente, & non tenetur ad aliquam residentiam, & lucrari debet omnes, & singulos fructus, iuxta formam Priuilegiarum, quæ sunt notissima per Sedem Apostolicam concessoribus DD. Inquisitoribus Supræmæ Inquisitionis Hispaniæ, itaut etiamsi post extraditam Principali legitime, & ad formam litterarum Executorialium possessionem adhuc non tenetur residere, neque in scamno patientiæ, neque in Choro, & Ecclesia, eique sunt persolvendi omnes fructus, & omnia emolumenta, & distributiones, perinde acsi resideret, vt sunt notissima Priuilegia per Sedem Apostolicam Inquisitoribus Regnorum Hispaniæ concessa, quæ inconcussè obseruantur in omnibus, & singulis Cathedralibus Ecclesijs Regnorum Hispaniæ.

Octauus articulus non facit ad Causam, nam in eo articulatur, quod nouiter Prouisus teneatur facere continuam residentiam personalem per annum continuum, sine qua annali residentia non participat de vestiario, sicut coeteri residentes, & in annis successiuis pro lucrandis fructibus vestiarij debet per tres menses residere, nam quidquid sit de veritate dicti articuli, ille non concernit hodiernam controuersiam, sed concernit futuram residentiam, à qua Principalis, tamquam Inquisitor in Supremo Tribunali Inquisitionis Regni Murtiæ est exemptus.

Nonus articulus pariter est irreleuans, in eo enim articulatur, quod inter redditus Canoniceatum dictæ Ecclesiæ Toletanæ adsunt annuaria, dotationes, & alia actu inferuentibus applicata, à quibus tantum lucrantur cum actuali interessentia, prout quoque lucrantur ab Infirmo, non autem lucrantur ab Absente, etiamsi absit ex quacumque iusta causa.

Etenim aut loquimur, quoad illa emolumenta actu inferuentibus debita à die, quo non fuit Principali concessa admissio Canoniceatui, & pro tempore, quo lis durauit, & cum Principalis fuerit facto Capituli impeditus, vtique in omnibus, & per omnia debet haberi pro præsente, & residente in odium Capituli, qui præstitit impedimentum, ne Principalis admitteretur ad Canoniceatus possessionem, & ne resideret in Ecclesia, ideoque toto tempore, quo à Capitulo præstitum fuit impedimentum, & quidem iniuste, debentur omnes fructus, & redditus, perinde acsi in Ecclesia resedisset, & omnibus functionibus Ecclesiasticis in Choro interfuisset tam ex iuris dispositione, quam iuxta formam Statuti, vt probauimus in nostra Facti super declaratoria.

Decimum, & vndecimum articulum Principalis habet pro probatis, & proinde nullatenus est concedenda remissoria, solum excogitata ad effe-

effectum eludendi Iudicata Rotalia, æternandi Litem, & vexand
 inutilibus expensis Principalem, qui iam suum Patrimonium in tot
 annorum Lite ferè consumpsit pro defensione honoris suæ Familia
 cum omnibus non innotescat potentia Reuerendissimi Capituli ad-
 uersarij, à quo omnis conatus vsque modò fuit adhibitus, & non
 desistitur toris Viribus, & expensis, adhibere, ad hoc vt d. D. Prin-
 cipalis tot iniustis litibus, ac grauioribus expensis proprias vires ex-
 cedentibus suffocatus remaneat, & ita indirectum consequatur
 Triumphum, quasi quod honor adeò Illustris Capituli magis elur-
 cascat in opprimendo, quam in admittendo, & fatendo Iustitiam.
 Quare &c.

Vitus Angelus Caualletti.

R. P. D.

CORIO

*Toletana Canonatus Super
 pratenfa Remissoria.*

P R O

Illmo D. Iosepho Fernandez Iuben
 quistore Regni Murtie, ac Ca
 co S. Ecclesiæ Toletanæ.

C O N T R A

Illmos DD. Decanum, & Capitulu
 S. Ecclesiæ Toletanæ.

XXXXXXXXXXXXXXXXXXXX

Facti

Super pratenfa Remissoria.

XXXXXXXXXXXXXXXXXXXX

Typis Zinghi, & Monaldi 1774

*Die 14. Jan. 1774
 rescriptum fuit = nejan*